

RUWANUWEN MWIICHENAP, AEWIN MWIICH ATAPWANAPWAN

A SUUK ME FIS WON MOEN IS. TRUK STATE F.S.M. NON ARRU

WANUWEN SEPTEMBER ENGOROU TIWEPUKU WANIK ME EW

NAMOPUNG NO. 1-174

EW NAMOPUNG

A awora ukukun \$200,000 seni ewe Monienapen ewe Legislature-un Chuuk ren fan asengesin monien ewe Constitutional Conventicn, Annukun Chuuk No. 3-42, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$200,000, ika fite ukukun mei namot ren an epwe tongeni naaf seni ewe Monienapen ewe Legislature-un ren fan asengesin monien ewe Constitutional Convention.

Tetten 2. Ei ukukun moni mei kawor non Tetten 1 epwe einet ika nongeni ewe President-in ewe Convention ewe epwe wisen tumunu nouncun me mwokutukutun ewe moni fan iten ewe Legislature ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nouncun ei moni epwe nap-seni ei ukukun mei kawor. Met ukukun ei moni esemwo it ne nouncu ika esemwo nussuno non September 30, 1982, epwe niwin sefaan ngeni ewe Monienapen ewe Legislature.

Tetten 3. Ewe President-in ewe Convention epwe awora an repot won napanapen nouncun me mwokutukutun ei moni ngeni ewe Legislature me mwen April 15, 1982, epwe affatatiw:

(1) unusen porausen nouncun ewe moni fongon me ukukun nussun mei chiwen wor non April 1, 1982; pwan

(2) met sakkun atoot ika anapanap ren ewe nussun moni esemwo nouncu tori non April 1, 1982, an epwe nouncu non met ukukun nussun ewe Fiscal Year, nge och sotosopun repot epwe pwan kawor nefinen 20 ran me murin soponon ewe Fiscal Year, ngeni ewe Legislature ika ew committee mei finita, epwe affatatiw napanapen nouncun me mwokutukutun ewe nussun moni.


Tetten 4. Ei Namopung epwe poputa pochokunan nupwen a kapunguno
me ren ewe Kepina, ika pusin winita annuk, nge esemwo kapunguno.

Sain seni:



Tadashi C. Wainit, Speaker
Truk Legislature


Annetata:


for Datasi Albert
Legislative Clerk/Secretary
Truk Legislature

Pwinin maram:

October 8, 1981

Kapunguno seni:



Erhart Aten, Governor
Truk State Government

Pwinin maram:

October 15, 1981